



831874

陶菴集卷第二目錄

七言律詩

蚤春柬友人古歲莫閒居同侯雍瞻沈彥深張

子宣鄭希孟時聖昭泛舟有作贈徐將軍燕人

日集沈彥深齋次韻次韻酬別張子石真遊石

鐘山人采石磯遊甘露寺張貞白有離世之

志作四別詩示子予反其意作四留詩以尼之

送張子石再遊江右正月三日飲爾宗齋留宿

次韻夏曰錢牧齋先生攜同泛舟尚湖九日

陶菴集

卷二十

目錄

登虞山遇雨宿興福禪院送嚴式如遊武昌

次韻寄酬侯生雲俱見懷新晴訪桂訪隱者

郊居四張母七十壽詩陸春園六十贈時

用咸入泮百壽潘汝躍六十和龔儉化寄懷原


韻龔和龔仲和登高原韻新春喜葉石農至

春風讀春雨讀鄭思肖心史送子石遊燕

過露筋祠口占京邸送龔智淵南歸喫黃芽

菜作南還至杜生村阻雪王孟衍見示所和坡

公鹽字韻詩次韻八首孟衍有詩見示復疊前





韵 雪晴蚤發杜生村至李家口疊前韵三首

臨胸道中微雪復疊前韵 遣興 道旁見出獵

者 觀逐兔作 宿遷入舟作 瓜洲阻風遇雪

復疊鹽字韵 哭程孟陽先生次金爾宗韵 過

魯獨遊沂水上慨然有作 寄懷鄭超宗同年

偶棲卓錫菴次程偁菴壁閒韵 長至日再疊前

韵 甲申除夕感懷次廣成先生韵 乙酉元旦

次廣成先生韵兼呈雍瞻 六日對雨再疊前韵

峨眉聲座上見翼王和元旦詩復疊前韵二首

陶菴集

卷二十

目錄

二

新春喜陳嘉自婁東至 送陳元晉分教歙縣

次廣成先生韵 六日對雨再疊前韵

甲申除夕感懷次廣成先生韵 乙酉元旦

偶棲卓錫菴次程偁菴壁閒韵 長至日再疊前

韵 復疊鹽字韵 哭程孟陽先生次金爾宗韵

過魯獨遊沂水上慨然有作 寄懷鄭超宗同年

偶棲卓錫菴次程偁菴壁閒韵 長至日再疊前

韵 復疊鹽字韵 哭程孟陽先生次金爾宗韵

過魯獨遊沂水上慨然有作 寄懷鄭超宗同年

陶菴集卷弟二十

七言律詩

蚤春東友人

東風乾鵲噪簷牙步愛青天好日華心似蚤梅能不放  
事如春水漫無涯文章漸老看飛動朋好相諳恕過差  
欲共論詩無美酒聞君穉子最能賒

歲莫閒居十首

燕坐高齋也自聊長檠短晷兩蕭蕭簷梅昔日遲開坼  
窗竹含風細動搖事外琴書長有寄閒中苜蓿倍難消  
陶菴集 卷二十 七言律詩 一  
丈夫豈忘流年歎欲向何門做黑貂

朔風烏鳥噪江村衲褐看來衣綫繁獻賦十年思奉檄  
翳桑三日欲何言雪埋北戶驚萱艸春遠南陔續斷魂  
中夜五情還剝裂可憐絲絮定奇溫

難書曝背小窗中閒研冰開宿火融偶好器之眞鐵漢  
兼評龐統半英雄道存一室安能掃世亂岐途只益窮  
棄置牆東君莫問年來筮易總成蒙

睡美茶甘合有魔蘇端酒好亦慵過世情久怕驚蝴蝶  
病體難移疥駱駝夢少卻占心正定腹便唯爲飯摩挲



書籤把出風簷讀野馬塵埃日日多

見說年豐百穀成四方窮苦更無名錢刀滿地騰魚米

銀海何時洗甲兵烽照劔門天下險地爭襄漢古今情

聞賊有窺蜀之志又近寇耶襄東南王氣蟠龍虎金翅防江莫漫輕

風破林垌野望長故人小隱在寒塘貧來蹤跡如溪友

老去詩篇似漫郎大布每縫諸弟被天吳近坼小兒裳

何時買宅成鄰並十畝春陰共課桑

行過宿艸也堪悲白水青松好爲誰排難祇今無籍福

論交自昔長素絲刺留懷底都忘滅膝炙車中不耐追

陶菴集

卷二十

七言律詩

二

莫怪書生偏鈍直君房未易許相知

頭顱三十但離經多媿吾生見壺馨元未就時堪笑白

藍當出處已爲青三年鍊賦耽香艸一畫忘言想負苓

安得百原山雪內破除聞見坐空冥

昨夢深山杖短筇羽人飛步亦相從峰巒拔地九千仞

雲霧攙天五鬣松覺後晨鐘餘几席起來啜粥數遊蹤

東南名勝何曾領布韞青鞵枉自縫

花外欣欣獨撚髭角巾行拂屋簷敲欲尋凍齒驚先發

暫數飛鴻覺暗移藥裹茶中隨臘換山樓水檻與春期

此心自信無拘束天命由來不我欺

同俟雍瞻沈彥深張子宣鄭希孟時聖昭泛舟有

作

春晴酒熟信經過陶峴移舟蕩綠波

雍瞻一舟名峴仙

飲痛豫

拌三日病杯行同作十分多岸花半發如人笑溪鳥爭鳴似曲和夜自欲闌歸自緩羅衿玉佩柰君何

贈徐將軍

奇材劍客古無儔晤語從容卽道流塞外聲名傳臥虎吳中結構比蝸牛萬金良藥隨人乞一卷戎韜爲國留我亦生平懷片氣與君高處望神州

人日集沈彥深齋次韵

臘酒開嘗勝老春春盤縷切鬪鮮新已邀名飲娛佳日旋詠清詩向醉人高院張燈延素月廣庭積雪禁微塵儵然似泛虛舟去況對長魚憶釣緜

次韵酬別張子石

百丈牽江一綫平勞君客裏念歸程卽看去住誰能料可是分離莫漫輕白鳥背飛星子驛朱旗遙颭石頭城船窗日把詩篇坐香艸含風處處生



遊石鐘山

步追飛鵲過山頭俯見青黃正合流

山下爲湖江合處水分青黃二色

崖劈十尋天色夜江含萬籟客心秋風清隄覺虞韶作  
石怪頻疑禹貢收五百年來輕李渤只因蘇子夜深遊

南音函胡北音清越渤言亦不可忽蓋石質如此故遇水則異聲也

高皇親此將元戎百萬紅船落掌中

高皇帝征僞漢駐蹕此山時我用白

船僞漢用紅船

絕壁雲煙動奎藻大江波浪起天風英雄不復

歸三戶艸木猶能助八公獨對洪流玩吞吐月明山響  
怖漁翁

陶菴集

卷二十

七言律詩

四

采石磯

采石磯邊飛櫓下斜陽淡淡水鄰鄰山形怒處蟠龍虎  
風力強時過鬼神天塹舊知南北限夕烽新動楚吳塵  
一生心事中流楫媿與朝廷作外臣

遊甘露寺

老木陰森作夏寒岡巒深擁一鷗盤日邊颿去東流盡  
天末雲移北望難三國旌旗連夕照六朝臺殿壓風瀾  
英雄去後江山在輸與殘僧抱膝看

張貞白有離世之志作四別詩示子予反其意作

四留詩以尼之

瓜廬小結在塘拗城市翛然卽遠郊谷爲愚公圃避辱  
亭因揚子不辭嘲鳴蟬秋盡猶緣砌舞鸞春深亦認巢  
莫愛雲松棲絕壁山中依舊要誅茅

代廬舍留

曾因一擊悟香巖翠竹黃花不受嫌空際繁華隨意埽  
閒中色相逐時拈經春抱甕新條長隔日窺園惡木添  
莫向狙公分橡栗尋常山果共酸甜

代花木留

兩雲翻覆世情新晚節松筠轉合親老語脫疏應恕醉  
濁醪遇次不嫌真蔣生自是憐求仲支遁由來契許詢

陶菴集

卷二十

七言律詩

五

莫入深山友麋鹿人非麋鹿恐傷神

代友人留

諸門可入是清涼有酒何須強散場丈室已空華鬢影  
蒜根難損麝臍香天親無著元相友靈照龐公各坐忘  
莫視怨親成一槩西歸隻履太踉蹌

代眷屬留

送張子石再遊江右

章門憶我別君時歛見君歸又解維茅屋閉來春艸合  
鈴齋夢去子規知舟過曲瀨青山擁天近長湖白日遲  
珍重南州懸一榻少留莫賦四愁時

江介鷺花自接連峭颿何處認歸船瀧分上下元同歷



月照悲歡已再圓時侯生文中新沒其尊人雍瞻將歸取道浙溪卽子石往豫章路孤舫雨聲溫昔夢高樓春思入新篇憑君莫憶離羣者慙負匡廬又一年

正月三日飲爾宗齋留宿次韵

飲遍屠蘇歲尙新籃輿衝雨競良辰花香酒釀深更坐弟勸兄酬古屋春閒覺篇章渾跌宕醉逢旗鼓益精神夜闌獨對王戎語木榻愴然布被親

夏日錢牧齋先生攜同泛舟尙湖

永日扁舟在碧潯停舟往往得園林一川魚鳥如相識

陶菴集

卷二十

七言律詩

六

百態湖山合賞心竹澗靜通碁局響荷花開笑酒杯深紅鐙白月城隅晚賸伴先生有醉吟

九日登虞山遇雨宿興福禪院

每到林巒覺眼明登高沉是客中情山當木落先疑雨院有僧期不願晴敲枕靜聽鐘鼓報推窗遙指澗泉生可憐一夜清無寐心在前峰夢未成

潭影悠悠日夜空一霄雷雨氣鴻濛啜茶共說無生語

禮足還瞻蓋世雄

僧出紫柏老人象

烏帽白衣眞往事黃花翠

竹想遺風出門獨向秋山笑身在曹溪一滴中

送巖式如遊武昌

楚中風物待清詩君去樊山問酒旗天外振衣黃鶴遠  
水心題畫白鷗遲禰衡詞賦留殘照陶侃功名入斷碑  
吟向郡西休感慨柳條不似折來時

次韵寄酬侯生雲俱見懷

英遊絕境兩無窮南郭煙雲左里風天際一帆如隔世  
崖巔雙袖欲淩空漏卮飲處思曹植釵腳題來逼魯公  
老我閉門仍距躍詞壇角逐羨羣雄

章門舊雨知予憶吳會浮雲見汝心愁裏側身堪涕淚

陶菴集

卷二十

七言律詩

七

夢中識路暫登臨鴻當急景飛如昨艸入離亭綠至今  
擬代黃花與君約滿城風雨遲車音

新晴訪桂

西巖晴迴積氣閒江皋肅肅下疏槐共傷秋艸迷天路  
且折芳椒向水隈池面日翻寒影去圍心風遞古香來  
興闌歸揜空廬莫獨對烏皮一寸灰

訪隱者郊居

隔溪高士坐危亭客有棲尋戶不扃花似嬋娟邀俗賞  
松因磊砢受天刑林閒密果藏飛鳥窗外疏梅亂曙星



最是道心能及物庭陰病鶴長新翎

張母七十壽詩

百年嘉慶及芳辰愛子持觴冢婦親董氏樵漁方養志  
芽容蔬果更留賓管彤自接青氎舊機杼常隨白髮新  
萱艸榴花相對發霓裳冉冉下鸞輪

壽陸春園六十

已去風塵未住山莫年幽事滿荆關家居萬戶侯封內  
人在西京儒俠閒青玉案邊椎髻古黃金花下舞衣斑  
祇應便與林泉約賒盡清娛占盡閒

陶菴集

卷二十

七言律詩

八

贈時用咸入泮

國士門風邁等倫明經童子豔旁人文從試席看叉手  
書向前生憶等身出穴長離光照灼食牛乳虎膽輪囷  
吾衰浪附通門雅恐與圍馨作後塵

壽潘汝躍六十

鶴冠何意老邱園祭酒諸生眾所尊皇甫已尋高士傳  
仲長豈羨帝王門一經注就留兒讀儋石空來不自言  
見說琴書詠三樂祇應秋月滿閒軒

和龔儉化寄懷原韵

午夜熒熒對影寒客心展轉思多端甘拋松桂周旋久  
自識風霜閱歷難蝸殼壁枯殊失笑羊腸路轉且爲安  
忽來嶺上梅花信驚起挑燈仔細看

歸與欲賦託空言生計羔羊困觸藩滄漣未能怡白髮  
泉臺無計慰黃昏雞鳴似欲回殘夢柝擊頻教亂旅魂  
若問羈愁何處劇夕陽影裏望江邨

和龔仲和登高原韻

征帆十里挂澄湖搖曳斜陽遠欲無鷺去長空隨鶴鶴  
浴來同伴問鷗鳧不嫌日蔽交陰重偏愛臺虛趁客孤  
陶菴集卷二十 七言律詩

回首登高餘興續那知前路已荒蕪  
生涯漁釣滿江湖千古升沈事有無何限溪山羣覆鹿  
不妨天地任歸鳧臺高獨向蒼茫立目極空涵意象孤  
落木洞庭波澈底蕭蕭汀畔盡荒蕪

新春喜葉石農至

冬杪相期及首春春風送到剡溪人門經積雪寒猶在  
酒出貧家味較醇高士有懷觀物變賤儒何力救時屯  
一尊坐對缸花落消盡胸中十載塵

鷺語知春劇可憐簷梅索笑亦幽妍客來扃戶如逃債



君至論詩似學仙大雅千秋幾寥闊故人今我兩周旋  
釀金鑄得鍾期否商到遺文共惘然

時料揀閱裴村遺藁

### 春風

柳向西偏一綫斜東風嫋嫋自天涯捲開白日初消凍  
閣住輕陰爲養花駘蕩祇堪嬉燕雀顛狂莫遣動泥沙  
陌頭吹得韶光去獨有羅敷最歎嗟

### 春雨

幾日春光到眼明鳴鳩聒聒又嫌晴霏微自潤花閒色  
沾灑虛聞葉上聲蚯蚓上階如得意筍萌穿地欲妨行  
陶菴集 卷二十 七言律 十  
底須把滑登山去小艇橫波也有情

### 讀鄭思肖心史

一夕厓山卷陳雲百年吳會泣斯文人閒再見陶徵士  
地上元無滄海君心入漏泉終化鐵氣填溝壑亦成墳  
千秋萬古靈均意只有西川杜宇聞

### 送張子石遊燕

時朝議嘉定復漕子石以伏闕入京

紫芝一曲舊菰蘆又入燕京問狗屠卿相未堪呼作友  
流民只欲繪爲圖清談藝苑摧黃馬長策中原獵短狐  
他日平臺訪遺逸應知世上有郇謨

荒城百里絕炊煙累繭煩君獨籲天轉漕去聲更無韓滉  
米治襄惟醪沈郎錢空江蟹斷孤舟外長路魚星匹馬  
前見說南司新抗疏不須張目向時賢

過露筋祠口占

白鳥猶疑點露光青松長與作幃房玉埋地底終辭汙  
菊死枝頭尚抱香齏凶有碑詞黯黯投金無瀨水茫茫  
翠旂明滅知何處中輟如林最可傷

京邸送龔智淵南歸

時智淵就選爲秀水教諭

總是劉蕡迂選場也應庠序有輝光袖歸綾刺投官長

陶菴集

卷二十

七言律詩

十一

擊碎胡琴出帝鄉家似朗陵傳季友學依安定舉條綱  
昔賢晚晚猶卿相況爾虬鬚亦未蒼

書劒偕君客上京還憐客裏送君行臬虛得失元無據  
兩雪雱涼共有情關出穆陵黃葉暗驛逢清口白波明  
新詩好爲題茅店我到應知隔幾程

時予將請假南歸

喫黃芽菜作

留滯京華噉菜根調治火力似蒸豚芳鮮花乳堆磁盃  
滑熟油酥沁瓦盆食罷總令腸胃實味回無復筍蔬存  
山中舊業曾爲圃屬饜清風是國恩



南還至杜生邨阻雪王孟衍見示所和坡公鹽字

韵詩次韵八首

車中集霰尙廉纖茅店俄驚朔氣嚴似兆豐年將比玉  
如憂旅食故堆鹽林邱掩冉通孤寺鐙火青熒隔小簷  
卻憶君家三泖上竹巾屢屢看峰尖

欲去仍迴舞態纖斷蓬高卷助威嚴隨車剝剝鋪成席  
捏虎晶晶變作鹽吹面未消欺薄酒壓巾能折湊卑簷  
無人冒學卓安臥說向東風馬耳尖

簾幕爭投不厭纖閉門聊復阻深嚴解將燕市虛堆麩  
陶菴集

卷二十

七言律詩

十三

未與吳尊實下鹽擁被陡驚寒折絮攬裘誤喜月生簷  
明朝大地陽和動掃出坡陀放出尖

次日爲長至

闊劔長鎗勢不纖蛇蟠鶴舞陳方嚴黃池夜噪天如墨  
白帝朝屯峽似臙墮指竟須憂絕塞映書誰復耐風簷  
天涯賴與王猷值收拾瓊琚付筆尖

亂散天花密且纖坐來塵界得莊嚴不留色相仍生豔  
能砥虛空盡是鹽寒氣帶暄回土室莫光連曉入冰簷  
泠然萬玉吾肝肺鼻白何勞看一尖

融融皜皜月華纖禁斷微塵亦太嚴妙染誰能勝摩詰

妍辭終類刻無監棗林冰散花千樹  
柳風團絮一簷  
天遣吳儂看朔雪等閒裁翦出新尖

謝庭高唱脫穠纖坡老還爭筆陳嚴愁至詠詩挑朔雪  
興來酌水味吳鹽蕪城冰柱衝驟馬破驛風枝瀉屋簷  
戲問屠沽能解否百曾錦繡裹山尖

郢唱非同下里纖吳歛也復亂清嚴詩工不值一杯水  
人好應酬幾兩鹽君奮白鬚籌朔漠我歌黃竹盼窮簷  
相期躍馬收淮蔡負負風斤運鼻尖

孟衍有詩見和復疊前韵

陶菴集

卷二十

七言律詩

三

牛腰雖怯管城纖綺語終輸白戰嚴若也浪題詩是錦  
何殊誤指雪爲鹽寒吹宿火燃衣帶靜寄歸心算屋簷  
勞動灞橋驢背容批風抹月用豪尖

雪晴早發杜生村至李家口疊前韵三首

指直難抽韉系纖僕夫湯沐已晨嚴冰生欲助鬚如蝟  
氣出堪憎笑似鹽一徑鴉又迷古球萬條鷺管插荒簷  
關河凍合酸風緊仿佛沙場射鏑尖

映日凝明魯縞纖兼霜的皜劒花嚴藍田煙去唯存玉  
滄海潮枯盡煮鹽混合路歧埋棘刺分疏雞犬認茅簷



遠山誰是華不注我欲飛身石筍尖  
一陽生處力猶纖陰氣憑陵忽解嚴高岸白消撞玉斗  
凍河青出散形鹽喜尋黃獨愁無逕苦憶江梅笑滿簷  
關塞漫漫誰奈汝聳肩不覺似山尖

臨胸道中微雪復疊前韵

晴林霏雪故纖纖衰點齊城氣色嚴已障高邱成白壤  
將消皦日作紅鹽吟垂鼻涕冰衣袖睡放頭風宿帽簷  
稍喜征車八圖畫穆陵關外數峰尖

遣興

陶菴集

卷二十

七言律詩

十四

萬里霜風笑凍蠅一囊詩句類遊僧新添袍笏兒童喜  
漸忍飢寒僕隸憎車裏炙瘡狂趙壹樓頭湖海老陳登  
自知合受東山誚便濯塵纓也未能

道旁見出獵者

楚製衣衫箇箇輕晴雷知是拓弓聲塵當駿馬來時住  
風向豪鷹怒處生繞出林叢齊掩抑按開原野各紛爭  
鷄棲車裏回頭望一道飛毛雪片明

觀逐兔作

黃蒿白葦遍齊東兔窟經營在此中野老側身來似鬼

韓盧點首去如風材高並鷺難空返敵狡窮追易見功  
立馬縱觀悲世事平陽血戰亦英雄

宿遷入舟作

笨車羸馬倦歸程乍入舟航似醉醒天落黃河無日住  
雲浮吳會有時停馮夷縹緲親椒酒風伯招搖過塢鈴  
目送波瀾成獨笑一杯吟與白鷗聽

瓜洲阻風遇雪復疊鹽字韵

東風五兩白纖纖浪急沙鳴萬騎嚴訪泊正逢山似畫  
計程爭奈食無鹽衡門翳翳陶潛酒江樹垂垂杜甫簷  
陶菴集 卷二十 七言律詩 五  
不見古人唯見雪塢鈴遙語一峰尖

哭程孟陽先生次金爾宗韵

生死茫茫總別離魚書才到訃音隨彫零耆舊今方盡  
談話風流轉合思羸博祇將魂氣接枌榆先與首邱期  
大招何事偏稱宋唐景由來悵所師

西州陳跡黯悠悠淚滴遺文不自收譏評去聲小詩如法

律提攜晚進勝同遊松圓閣在苔應滿花信樓空月自

流獨有禪心將得去幻形眞作渡神舟眞誥形爲渡神舟泊岸將辭去

先生晚年棲心禪那故云



過魯獨遊沂水上慨然有作

清沂映雪晚無波閒詠思偕點也過落葉覆橋沙路細  
夕陽平岸野煙和巢烏歷歷飛鴻盡獵馬蕭蕭脫兔多  
水鏡似將行客笑兩行蓬葆一青騾

寄懷鄭超宗同年

郭隗臺前客少雙雄談清夜接麾幢詩分臺艸長留篋  
酒挈鉶罌屢過窗歸騎聯翩眞似雁春愁浩蕩有如江  
因風爲問山齋樹多少新陰覆石缸

子嘗和君憶櫟樹詩

偶樓卓錫菴次程偈菴壁閒韵

陶菴集

卷二十

七言律詩

十六

松門菽岸老僧居到此心除境亦除塵夢已隨風籟遠  
慧香長與日光初浴溪自試撐船手布席分看鬪艸書  
宛是林棲向居士東山何用再躊躇

長至日再疊前韵

舊貧長戀子雲居不與門庭共埽除風颭幃鐙蕉破後  
雨飛藥院艸生初看多世變如春夢憶到詩篇似誤書  
賸有清愁消未盡日長一綫倍躊躇

甲申除夕感懷次廣成先生韵

風雪南韓憶去年河山北望淚如泉戈揮白日眞無力

扇隔黃塵也自賢事業雲臺新宛洛畫圖督亢古幽燕  
山中老宿閒談話擬續離騷一問天

廊廟江湖事百端侵尋已覺歲華殘長鯨自合翻溟渤  
倦鳥何心刷羽翰家計總輸漁具穩侯封那敵醉鄉寬  
海翁舊話君知否一與鷗盟更不寒

乙酉元旦次廣成先生韵兼呈雍瞻

薄陰微雪晚開天軟語深杯互接聯嬾媪那能拘禮數  
飛騰只合餞流年煙吹小墜梅香動露溼平皋蕙葉眠  
獻歲有懷誰賦得謝家兄弟擅新篇

陶菴集

卷二十

七言律詩

七

六日對雨再疊前韵

破屋朝來仰見天生憎雨脚太髒聯龍蛇脈脈知春氣  
花柳遲遲識閏年閱盡後生相次老看多世事只思眠  
從今會得逍遙義別著南華内外篇

肩聲座上見翼王和元旦詩復疊前韵二首

淮左軍書欲揭天江南風物尚蟬聯黃塵一浣燕山雪  
絳幘重瞻建武年張鎬已甘窮谷老陳登冒作下牀眠  
知君興寄椒花外大筆摩厓有頌篇

酒人跌宕欲忘天興至聊賡一兩聯潦倒未須憂白髮



亂離猶得見新年  
臨流白帽堪畫帖地  
籃輿倦卽叩  
山鳥山花日堪惱  
春遊還有杜陵篇

新春喜陳嘉自婁東至

春江容易拔船頭  
小艇東來恰順流  
艸色苔痕門徑淺  
蔥湯麥飯主賓幽  
清言斐亶晨將夕  
古意蕭條樂更愁  
稠載卻看垂橐去  
停雲靄靄思悠悠

海上扁舟棹月還  
踏歌曾叩野僧關  
文章屢見知精進  
歲月頻移覺等閒  
鶯喜新年聊出谷  
猿尋舊侶故依山  
春風似識潛夫意  
點注簷花盡破顏

陶菴集

卷二十

七言律詩

六

語及君臣涕淚俱  
上牀堅臥欲何須  
風塵瀕洞鶯幽獨  
衿佩春容礙走趨  
野飯雕胡收滿屋  
水田藟蔗種成區  
山中鄭敬飄然往  
將子能從亦可娛

送陳元晉分教歙縣

澤國春生水接連  
鸞花相送上瀧船  
青山障日如過峽  
黃海鋪雲欲亙天  
地雜駢剛從教速  
官饒紙墨著書便  
網常腐爛嗟今日  
經義還應仿昔賢

陶菴集卷第二十畢

後學沈壽眉校字

陶菴集卷第二十一目錄

五言排律詩

歸自南都詠懷四十韵寄呈侯豫瞻銓部 孫母

沈宜人六十壽詩三十二韵 壬午元日對雪二

十韵 座上賦得石壓筍斜出二十四韵 孫季

若招同諸人觀梅臥雪亭次瞿給諫稼軒二十韵

〔宏光〕改元感事書懷寄錢宗伯五十韵

陶菴集

卷第二十一目錄



正言... 卷第二十一目錄



陶菴集卷第二十一

五言排律詩

歸自南都詠懷四十韵寄呈侯豫瞻銓部

壯齡疏世務早歲慕文章跌宕三冬久儻侗百畝荒燃

松明夜火斫屨拓晨窗未覩園文就空令白一作素

業妨

老親憐疾病良友念行藏勸勉趨場屋支持裏一作共

糗

糧放船梅雨綠問店麥秋黃陵寢瞻佳氣溪山醉雜光

書時頻嘯詠壓韵互雄強稍就秦淮月俄依漢署香霽

愁渾撥棄新語得商量炎厲何其甚微軀未覺良帖經

陶菴集卷第二十一 五言排律詩

一

殊漫漫對策頗琅琅刺滅禰衡袖錢羞杜甫曩臬盧隨

六博聚散各參商下瀨一作水從帆岫徂秋容貌蒼避人

行故里排草入深堂已報劉蕡罷誰知趙壹傷同心贈

丹棘閨歲厄黃楊去去懷吾道寥寥恨未央秦中阮并

沸塞上囚猶瘡米賊終殃漢花門必一作恐甌唐民生半

豺虎國論一作久蝸蟻濟物吾何有憂時意漸忘一作氣暫

降舊貧唯錦里新好亦柴桑易卦編仍摘戎韜卷在牀

調治平丹竈熟芟剪葛覃長飲用恆常醉愁須澹泊湯

更看時溷濁一作喪亂所恃鑑一作道精詳求瘼聞當亡知人

總大綱妖氛應蕩滌雲漢亡光芒一作大角必光芒日者偕吾

友論文及令郎著鞭驚一作憂士雅閣筆歎元常星聚連

三月蓬飄遂一方慵魚顛既曝健鵠翅徒張游想竹林

興景看萸菊芳劒鳴龍虎在風卷一作感鵠鴿忙醉否登

高日歸與舞綵將園除霜欲一作漸落烏榜一作白下氣先涼

惆悵觴難御裁詩報一作對夕陽

孫母沈宜人六十壽詩三十二韻

忠孝清門事悲歡壽母筵皇天心似鑑良史筆如椽夙

昔蘭閨內經承姆教先緹縈情最苦德曜志何堅箕帚

陶菴集卷二十一 五言排律詩

二

歸袁隗柴車挽鮑宣蘋蘩供婉嫕機杼出煩擱夫子方

憂國單車獨首燕筋籌南越系筆換祖生鞭躍馬金源

塞笞兵木葉川危城嬰雉堞飛礮貫狼煙此日聲名大

將差管葛肩身留天北角家在東海東邊辛苦憑閨範艱

危寄奉錢桁懸新翟菲裘斥舊金鈿食淡踰甘蔗懷清

戒盜泉豈唯成閩外亦以奉堂前廟社雙鼉錯疆場一

李全毒搖齊魯境氛合一作天戰壘啼妖鵬忠魂泣杜

鵑竟聞歸樸馬不見賜犀軒青海銘誰勒蒼生涕盡漣

未亾那忍此地下欲從焉念有尊章在兼為子姓牽花



明長濺淚髮白不由年盪滄儀無闕九熊教屢遷手封  
三馬鬣家贖一青氈坎窞時還過松筠算合絲聲絲開  
甲子鸞鶴降神仙楚楚思前事踐踐看後賢白華方有  
迹銀管遂成編事久公評見誠存善慶延吾從世講末  
長語謝雕鐫

壬午元日對雪二十韻

正旦存餘臘同雲比慶霄半明先應朔萬玉下崇朝入  
戶方沾葦侵盤恰點椒輕輕仍作片密密故封條柳動  
俄爲絮梅新轉學嬌

秦韜玉雪詩繁  
叢自學小梅嬌

放鳩同豔曳映綵

陶菴集

卷二十一

五言排律詩

三

各招搖客至還披警尊開更索貂雞須銀畫帖燕合粉  
圖綃漏洩春光甚句留朔氣饒形鹽衰富貴市麪笑虛  
囂比屋袁安卧彌天穆滿謠銜枚誰入蔡墮指獨思還  
占驗因三白憂愉判此宵迨蝗過糞壤積穀賤瓊瑤有  
喜祥風至

漢天文志東北風爲止  
歲是日風從東北至

無心六律調披雲斜

景見吹面薄寒消漸放松枝直眞如鶴毳飄青邊煙起  
爨潤處麥生苗呈瑞思元造勤民荷帝堯賦詩慙郢倡

歲盞或堪陶

座上賦得石壓筍斜出二十四韻

山骨誰能斲龍孫氣力殊遮藏千仞厚逆坻一雷颺抵  
隙爭分寸乘時利走趨風吹難解籜雨溜易垂珠蔓草  
低相掩垂藤誤見拘安排成列榻截掖象交蘆角立牛  
羊舐牙磨虎豹軀題書斜架筆飲羽倒抽弩踈踈高山  
仰蕭蕭逐北徂循牆正考父棄甲銳司徒葭倚誠非伍  
蓬生歎有扶冠峰皆秀出拔地獨崎嶇因勢資奔峭潛  
身避剔剝折來猶負直遜去或如愚月射雲根遠泉迴  
洞府迂爬梳稚子拙攫進野人劬詎有驅山鐸難求叱  
石符圓仍慈母並大與衛邱俱歷落尤多矣檀欒有是  
陶菴集

卷二十一

五言排律詩

四

夫變蛇終矯尾爲馬定過都偃蓋古松敞當門香艸輸  
高須名箇籜短亦異王芻物理存貞正人情積歎吁上  
番來竹下睨視極形模

孫季若招同諸人觀梅臥雪亭次瞿給諫稼軒二

十韻

寂寞書空久經過唾地傭東臯移勝事北郭散幽踪載  
去扁舟好攜來百末重盍簪諧語笑傾蓋忝遊從初旭  
浮波彩殘冰綴岸容白邊明一徑青處失羣峰入戶無  
留屐巡簷乍倚筇房廊新蟻領茶鼎野猿供望遠能生



思收春併入胸折來知影瘦飄去使心忪搔首煩花匠  
埋憂對酒龍人偕山峯律樹倚玉玲瓏坐媿琅玕贈談  
增琥珀濃長城尊五字名飲敵千鍾披豁良朋意疏狂  
野客踪再三唯譽樹百遍踏纖茸林表凝高晝庭陰報  
下畚艇搖藤澗影風遞頂山鐘興異剡溪盡詩如灞岸  
逢相將留片月卻掛艸堂松

因光改元感事書懷寄錢宗伯五十韻

禾黍宗周轍衣冠建武年寅清三禮貴耆艾五朝賢聽  
履楓宸迴循陔莫葉遷瞻依同日下淹臥自江邊昔歲

陶菴集

卷二十一

五言排律詩

五

登龍忝郎君麗澤專南垞鐙火屋北泝宴遊船奉手評  
豪素開廚出簡編文瀾增拂水詩壘壓松圓酒發公明  
氣談鉤向秀元賞音存寂寞延譽許騰騫精舍留三載  
陰符練幾篇厭貧將嫁衛躡蹻遂摩燕刺滅禰衡袖囊  
空杜甫錢艱辛名字播崩迫世情偏憶鱸秋風起騎驢  
莫雪旋方期遊綠野仍擬借青氈未信吾何仕知元意  
必傳睽違丁喪亂悵望阻階緣家國雙胡廣疆場一李  
全丸泥秦事壞首鼠漢臣愆御膳供糜粥京城墮紙鳶  
陷牀驚玉座失涕到銅仙戮辱疲巾幗奔亾相馬鞭地

將翻 鬼欲立黃天代邸著龜協韓原怒氣填荆榛  
陵廟泣烽火蠟書遄夫子纓冠往蒼生屬目先波難搖  
砥柱日遂夾虞淵慷慨紆籌策雍容委事權屢前宣室  
席始踐玉堂旃北斗南唯一東山出偉然從繩資直木  
調瑟待安弦禮樂今僵仆瘡痍夙蔓延三微危欲盡萬  
姓厄堪憐寂寂思鳴鳥湓湓泣逝川若爲凝化理歛爾  
正垓埏逆骨舂爲粉凶臍炷作煙驅除 難滌蕩版  
圖邇組帛人胥給租庸戶得蠲浯碑文刻畫淮雅筆雄  
妍此志終成矣明公道在焉不材慚樗櫟無意忝班聯

陶菴集

卷二十一

五言排律詩

六

欵段聊騎馬槎頭漫釣鱖條桑春社靜抱甕夏畦瘠對  
物全 澗澹從心得靜便稍能窺浩浩豈敢守芟芟碧艸  
無情極青門有夢牽五雲飛掩靄獨鶴舞踟躕問訊憑  
書驛關心是杜鵑休論出與處萬事荷陶甄



陶菴集卷第二十二目錄

五言絕句

月下口占 過彭澤 座上詠弓 坐友人園中

偶題 對雨

六言絕句

無題

七言絕句

田家 竹枝歌 閨思 馬當山感王勃事 夏

日戲畫三扇因題三絕句 田家 竹枝歌 塞

陶菴集

卷二十二

目錄

下曲 宮詞 閨思 除夕戲占 哭閔裴村

哭侯生文中 與金爾宗許子位卽事聯句 西

山看梅和老杜江上尋花七絕句 呂公堂 高

郵 客中與龔智淵登高 長安與龔智淵聯句

庭中有胡桃樹一株方夏爲細蟲食葉濯濯可念

旣而有萌至秋反成新綠他樹憔悴此獨蒼然因

題三絕句 題畫 乙酉仲春同侯廣成先生入

郡西諸山探梅遊陟三日勝處略盡舟夜與研德

雲俱共讀坡公梅花詩因次韵十首 詠蘭

陶菴集卷弟二十二

五言絕句

月下口占

愛此金翠光招月到林薄  
昨朝桂花開今朝桂花落  
海上碧雲盡秋天開素屏懷中餘綵筆無處著丹青

過彭澤

滿目傷時運何心傲督郵  
南昌有梅尉同是挂冠休

座上詠弓

擬處秋毫準彎時二石強木心  
元正直持汝獻文皇

陶菴集

卷二十二

五言絕句

坐友人園中偶題

蒼蒼緣溪去竹樹自深淺  
好風如有情迴復不知返  
燕子繞林戲啄將紅杏飛  
春風吹去緩接著更銜歸

對雨

天拭遠山貌湖添欹樹痕  
移牀就殘菊醉此蒼煙根

六言絕句

無題

放誕風流卓女細酸習氣  
唐寅人閒再見沽酒市上爭  
傳賣身



片雲曾迷楚國一笑又傾吳宮花底監奴得計鸞籠畢  
竟輸儂

人言北阮放達客誚東方滑稽情不情閒我輩笑其笑  
慮天機

子美詩中伎女岑參句裏歌兒彼似青蠅附驥我如斗  
酒聽鷗

千春不易醉飽百歲貴行胸懷羨馬爲憐神駿燒桐亦  
辨奇材

鯨鏗已肆篇什鰲咳從教詆訶百斛舟中穩坐千尋浪

陶菴集

卷二十二 五言絕句

裏無何

七言絕句

田家

溪南柳古麥風吹跨得烏犍入艸遲手挂漢書牛角上  
縱談劉項與人知

鋤瓜打麥半成閒社案中閒有往還頭白不曾離畝畝  
只疑城市勝田閒

田泥深處馬蹏奔縣帖如雷過廢村見說抽丁多不懼  
年荒已自鬻兒孫

竹枝歌

鷓鴣鷓鴣飛無數紅白江花開滿煙十歲吳兒會搖櫓

一江春水碧於天

東湖西湖蓮葑開一日搖船採一迴蓮葉田田無限好  
只因曾見美人來

闔閩城邊月照人眞娘墓上艸鱗鱗英雄兒女皆塵土  
忍放香膠不入屨

閨思

柳條不繫玉躡騮拗作長鞭去路賒春色也隨郎馬去

陶菴集

卷二十一

七言絕句

妝樓飛盡別時花

馬當山感王勃事

鬪雞檄就海南來猶有雄文對客裁一日長風千里閣

世閒唯有鬼憐才

夏日戲畫三扇因題三絕句

蝴蝶莊周兩不知涼風吹夢出虬枝料應熟得圖南訣

睡到山中暑退時

畫山中偏袒睡者

松下風吹酒不酣籊籠一曲正孤拈馬融去後知音少

對月停杯只有三

畫對月吹笛旁置酒鎗



壺盧酒盡過村墟腰腹寬如合抱樽睡眼騰騰君莫笑  
從來牛角不安書畫醉士騎牛出林薄中

田家

五月桑梯傍屋斜蠶絲抽盡響纜車長腰紅女誇身手  
織作還兼吉貝花

竹枝歌

吳酒傾盆色若無河豚味美壓秋鱸狂夫得醉且須醉  
十五小姬花下扶

塞下曲

陶菴集

卷二十一

七言絕句

四

關榆落盡雁聲稀一望龍堆雪亂飛軍士向南呼萬歲  
天家八月賜寒衣

黃雲如岸壓孤城邊騎千羣夜扎營衣帶自書忠蓋字  
健兒雖死貴留名

匹馬沙場喚鬪來三時殺氣貫重圍翻身一箭穿雙鵝  
追騎如雲盡卻回

雁門秋曉角聲長潼酪新開酥酒香羅紗東頭無牧馬  
驛弓白羽射黃羊

宮詞

金輿行樂泥光輝風揭雲韶天上飛  
怪得御前優諫少  
內庭章奏有賢妃  
十三供奉掖庭中  
天子親知筆札工  
近試守宮曾作論  
銀章三品賜梅紅

盤龍高綰麝煤光  
暈淡雙蛾半額長  
生被六宮傳學遍  
別翻妝點侍君王

日南天北拱長安  
一統車書際會難  
駟象火雞新入貢  
宮監傳寫畫圖看

閨思

陶菴集

卷二十二

七言絕句

五

苜蓿峰邊明月秋  
玉關常照古時愁  
男兒腰下須龜組  
切莫加封定遠侯

斷鴻殘月夢金微  
橫笛聲中怨曉幃  
塞上胡笳應更切  
狂夫自是不思歸

錦段回文窄窄裁  
多時鸞鏡不曾開  
侍兒忽訝調鉛粉  
昨夜漁陽有夢來

除夕戲占

鑪火微紅臘酒香  
笑攜詩卷坐空堂  
文章自古無憑據  
閒與三彭細細商



哭閔裴邨

家世耕畬海岸東，半拋田畝爲詩工。死時幾米存倉內，笑倒邨南襍穉翁。

籜笠遮頭雪片麤，長年妝點夜歸圖。裴邨自畫已像，不作風雪夜歸圖。不知地下稱才鬼，可有陽春得到無？

白頭吟詠沒蒿萊，身後名成也可悲。一卷殘詩終在手，心肝嘔出欲遺誰。裴邨臨沒手持其所爲詩，不釋。

黃河碧海更難言，溪澗潺潺總一門。莫道光燄歸李杜，便驅郊島出乾坤。

陶菴集

卷二十二

七言絕句

六

哭侯生文中

吳苑別來花夢背，章門望處白雲屯。可憐鄉黨淒其日，正是天涯語笑辰。

箕尾妖氛累月纏，北來千里斷人煙。多君清夜看乾象，只在元冬屬纊前。

夜闌鐙燼落虛堂，細雨疏花引話長。半醉起爲鸚鵡舞，鐙陰鬼伯笑人忙。

待汝如炊五斗黍，逢人那得一刀圭。卻想冥途夔魍魎，聞君祕咒等聞雷。先是日者謂文中云木石之怪爲孽，憂在此冬，其言竟驗。而沒時則端坐。

持梵語

友生伏地盡悲嘯蘭艾彫枯等作泥書策自留兒子讀  
銘旌卻付老人題

書籤藥盜不曾閒淡泊儒門合斬關萬死得來終有用  
六塵飛處坐如山

偶呼君字作文中天比河汾尚不同再得十年仍是天  
元經或可燿無窮

簞尹拂龜曾再卜令威化鶴已頻遊刀叻利滅成何語  
火續燈燠各自謀

陶菴集卷二十一 七言絕句

七

一昨秋風病未蘇汝曾憂我幸無宅比來哭汝添心疾  
不見人憂可奈何

遮須何必生曹植蓬島應難舍戴洋欲賦招魂無準則  
樂和終竟在何方

文中見夢於其家云今方在樂和之境

與金爾宗許子位卽事聯句

東墅西城見蚤花爾宗相逢同調破年華蘊生不禁春

艸依人綠子位故把風情託酒家爾宗

春光欲半始梅花爾宗沉復窗前見月華蘊生不是翦

鏡同一醉子位可能無負野人家爾宗



西山看梅和老杜江上尋花七絕句

黃師堦是吾家有恰有蘇端是酒狂一朶花開儂亦看  
不分樵逕與僧牀

棕亭藥院繞湖濱山鳥山花占斷春湖上老人亦可笑

梅花不看看遊人

萬條寒玉裏山家兼有棠花與杏花淡白竊丹隨賞愛

初英晚節異生涯

山家土鏗冷疏煙淪茗留賓也可憐笑指軒窗最高處

傾銀注玉好華筵

陶菴集

卷二十二

七言絕句

八

香溪橋西鄧尉東千樹萬樹搖春風料得李生難寫染  
花光豔豔日初紅

蒼藤翠木暗深谿崖腹花高水口低新蝶領風隨意舞

怪禽爭樹不成啼

久與梅花成息壤凝也拏舟傲也催至竟避花如避債

祇應花爲老夫開

呂公堂

夢醒來看夢裏身百千億夢指爲眞黃梁自是藏鳥喙  
五百餘年更誤人

高郵

鵬橫平野盼風塵馬蹠殘冰逐路人一曲清淮古城下  
漁翁搔首看斜曛

客中與龔智淵登高

一肩襍被值途窮忽漫登高逆旅中千里暮雲飛不住  
故山同指雁聲東

長安與龔智淵聯句

萬里中原付夕陽江東雖小足稱王虬髯自向扶餘去  
珍重臨安當汴梁

陶菴集

卷二十二

七言絕句

九

楊花飄泊歎無家燕子依人感歲華同向東風嗟薄命  
傷心原不爲琵琶

庭中有胡桃樹一株方夏爲細蟲食葉濯濯可念  
既而有萌至秋反成新綠他樹憔悴此獨蓊然

因題三絕句

已訝飢蟲似雪霜俄迴寒露作春陽道人戲撫庭柯笑  
疾病眞成卻老方

譽樹從來譽綠陰婆娑也復見陰森如聞老樹爲人語  
賴是蟲來不食心



一番搖落一番愁轉眼須遭兩度秋不見南山霜雪幹  
火雷燒後似青蚪

題畫

深山客至艸亭空只有春雲滿谷中白鷺對飛看不見  
一時溪雨響潑潑

乙酉仲春同侯廣成先生入郡西諸山探梅遊陟

三日勝處略盡舟夜與研德雲俱共讀坡公梅

花詩因次韻十首

噉噉日氣乍晴和嫋嫋東風拂面多萬樹梅花君不看

陶菴集

卷二十二 七言絕句

十

一聲號鴉奈春何

曲池行盡見高臺無主梅花次第開種得此花成樹後  
幾人白骨變青苔

遊戲人間老萬回口如布穀不曾開眼前指與梅花看

不負千山得得來

指剗師

空香冉冉落匏尊花氣霏微夜氣昏冰雪不留姑射色

陰陽難定洛妃魂

老幹如虬嬾作花清波白月共疏斜阿誰取次能描貌  
鐵石心腸有宋家

雪勒冰欺合晚開千聲羯鼓未能催海紅一樹花如繡  
牽惹紅裙拂地來

鉤輦路畔茸茸樹合杏峰前細細枝狂發祇應先乞命  
詩窮不獨要尋醫

日射湖光寶汞飛清冰的樂散瓊枝夕陽芳艸煙中路  
記取藍輿過去時

侵陵謝院雪花輕刻琢唐昌碎月明料得雪消兼月上  
亭臺高處不勝情

溪橋踏月過山家風露離披斗柄斜半醉半醒疑夢寐

陶菴集卷二十二 七言絕句

臘留清影付梅花



詠蘭

一叢花氣自清新七椀茶香互主賓  
水裔風來疑有雪林中月上更無人

橘刺藤梢更不除穿林渾忘繡衣裾  
自無九畹滋芳澤縱使當門亦不鋤

露裊風吹繞砌開剪刀裁取向妝臺  
左家嬌女憨生鬪艸還拈綠葉猜

離披花葉總無多風半奇姿畫得麼  
一段幽鮮還比似湘君渺渺洞庭波

陶菴集

卷二十二

七言絕句

三

昔日吳宮罰采香館娃人去艾蕭長  
清貧仲蔚開瑤圃高臥矜他南面王

寒梅有格終非俗修竹無香也自眞  
三徑羅香雖小艸一編跌坐是佳賓

一莖一葉拒浮埃風蝶娟娟不敢來  
手引石泉清見骨花根日灌兩三杯

眾艸同生最不平水邊林下任無名  
浣花詩老幽尋得不向階前歎決明

春入芳洲發舊根放臣千古泪猶存  
卻看野艸迷天路

歎息歸來欲樹萱  
有客曾攜孔子琴  
猗蘭一操古猶今  
折芳未贈盈懷袖  
薺麥青青只自深

陶菴集

卷二十二

七言絕句

三

陶菴集卷第二十二畢

後學黃世初校字



傳

邑後學侯開國撰

黃先生淵耀字偉恭兄瀆耀世所稱陶菴先生私諡貞文者也先生少於兒十餘歲旣受業盡得其緒論家庭開講道論德往往起貞文所未及邑中少俊未之或先也乙酉六月邑中義師起先生從貞文入城堅守匝月天忽大雨城東一隅崩兵遂大入先生掖貞文至無等艸菴軍聲益亟曰此其時矣貞文西向再拜索筆書絕命詞方畢顧視先生則先縊梁閒矣遂縊於其左方貞

陶菴集

卷末

谷簾先生傳

一

文自癸未登第歸知天下已亂常鬱鬱不樂先生每以大義慰解之一日自外歸見幼弟戲於庭撫其首泣曰小子何無知時事至此大兄必死節我不忍獨生一家不知若何尙爾嬉笑邪時北信尙緩家人咸詫爲不祥至是言果驗先生之志定於平日者蓋如此先生之外舅曰王貢生雲程字鵬九年老矣甲乙之際日與親故爲詩酒之會語不及時事至是兵至執之大罵不屈死妻某氏及二女繫繩於腰牽連入水皆死之長女卽先生之配云又有諸生徐文蔚者貞文之僚婿也先是率

鄉勇禦敵於婁塘力戰死於陳與先生兄弟並居西里  
故附書之

右谷簾先生傳蓋據宋先生九初乙酉紀事陸先生  
翼王爭光錄節取而爲之者也嘗質之貞文之子雲  
沼雲沼述方瓢張氏聞於僧無等之言曰方先生侍  
貞文之至艸菴也軍聲甚迫貞文乃再拜索筆書絕  
命詞先生豫爲繯具懸之梁閒出步於庭見紅笠者  
數騎自城而下先生曰此其時也少需必受辱遂扶  
貞文以繫焉頭幘觸繯墜地一手尙擎先生拾而冠  
陶菴集

卷末

谷簾先生傳


二

之遂自縊於右兵至啟門見二公尸太息而去無等  
在菴中以方外倖免爲言之如此方瓢名懿實向受  
業於貞文其說似尤可據云



谷簾先生象

谷簾先生象



陶菴集

卷末

谷簾先生象贊

谷簾先生象贊

名高競爽運直亶屯甘節以吉

教身成仁幸逾弱嗣學養已醇

從容就義是曰德純景此先哲

懦立薄敦

後李周文木敬顯

谷簾學吟目錄

古今體詩

夜雨過友人宿 折桂 莫秋貽同社 索居喜

諸子見過 田家 秋水 秋興 清夜 古寺

遊鄧尉徐氏山莊 同龔得初昆季登惠山和

坡公韵二首 和昌黎秋懷詩 白日 飲酒

春閨 春日山行 秋齋坐雨 喜崑山柴集勳

至 懷婁東陳靜孚 秋夜 舟行 失題 伯

氏招燕京王敬哉飲 柬龔得初 甲申除夕次

陶菴集

卷末

目錄

侯廣成先生韵 寓卓錫菴和伯兄韵 再過陳

園卽事 卽事 怨情 憶遠曲 遣興 夜坐

秋夜漫興 憶遠曲 秋日閒居 泊舟虎山

橋 題玫瑰 百舌 詠松 詠梅 夏日閒居

約時去華諸同人泛舟

精江真德

田家

秋水

秋興

清夜

古寺

遊鄧尉徐氏山莊

同龔得初

昆季登惠山

和坡公韵

春閨

春日山行

古今體詩

谷簾學吟目錄



谷簾學吟

古今體詩

夜雨過友人宿

忽欲與子言春風適多暇方晴偶未行既雨亦難罷散  
帙就新陰開尊緩良夜晨興踏西村小隱將學稼

折桂

瓊樹山之幽恥與蕭艾伍得近君子前不辭摧折苦罷  
焚鑪中香行拾松上雨息心棲一枝清夢不出戶

莫秋貽同社

陶菴集

卷末

谷簾學吟

朔氣戒川陸蕭瑟臨前村新寒艸樹變靄靄浮清暎緒  
風結虛幌時菊綴衡門年志難久持感慨以煩寃夫君  
幸同愛欵曲相與言贈之璠與瓊佩以明深恩終然曷  
古處興寢期勿諉

索居喜諸子見過

朝旭斂煙華庭階獨行跡春鳥遺好音冰苔見古色讀  
書觀曩賢或語或復默時節往朋舊提攜散愁疾芝蘭  
各自芳終恐棄遐僻

田家

禾黍盈疇香邨樹映門綠主人儉且勤雞犬常肅肅  
熟餉里鄰芋分遍童僕秋穫敢失時負穡返茅屋城市  
好食新新穀貨相續得錢完官糧餘者爲私蓄貧富各  
成媪藹然自相足緬懷羲皇風庶幾在此俗

秋水

交秋溪水清歷歷見其底木葉何紛紛白石復齒齒靜  
言尋其幽蕭蕭雜葭葦水鳥衝人飛遊魚銜藻起轉入  
荒且寒苔色無乃是遙聞漁者歌前溪莫霞紫

秋興

陶菴集

卷末

谷籬學吟

二

日落高秋陰依然在空谷靜觀風葉飛遠見歸鳥逐此  
時無與言蕭疏對高木久之山月來所以慰幽獨清籟  
發古松白露下修竹四壁多寒蛩唧唧無斷續所觸象  
外理俗念邈難宿遲遲夜轉幽秋氣爽耳目

清夜

微月過竹裏虛窗夜亦深此時清且寂爽氣入幽衿獨  
悟有所念悠然如會心鐙寒清燭小相與發孤吟

古寺

石蘿生紫花佛坐石蘿下鳥鼠巢空梁松風落敗瓦古



壁欲留題蒼苔不能寫秋聲歸莫林遙聞誦經者

遊鄧尉徐氏山莊

發地結菁茅空山映虛白簞篋留清陰梅花若素積湖  
光照心明涵涵滄溟窄西岑極遠目微茫數峰碧東鄰  
聖恩寺窅然喧中寂風裏佛香回若爲往來客蹇連因  
登臨神疲羈鎖圻同遊兩三人喜折登山屐佳境難久  
留反使心不適縈迴出林杪疾去尋幽跡

同龔得初昆季登惠山和坡公韻二首

登山汗如濯清風來迎人疏雨度前嶺俯見林皋新蹇

陶菴集

卷末

谷簾學吟

三

連松徑滑犖礪山屐磷忽然凌絕頂下視無一塵震澤  
浮雲端宿霧迥高巘嗟哉落塵網常與俗爲鄰

浮雲靄山麓孤煙上林樾青鐙湛芳尊色味兩幽絕吾  
生如寄耳一醉萬想滅橫斜任孤舟清淺流明月篷窗  
兩三人酌醕高興發安得買山資免令徇塵轍

和昌黎秋懷詩

迢迢芳園樹露葉晨薺薺秋風颭然至搖落勢難已子  
懷正悵惻蟋蟀偏入耳展轉夜未明或臥或復起仰視  
朝曦昇與此亦相似一日不再晨時駛安可恃感歎千

萬端沈憂惟一軌何以見曩賢一觴且歡喜  
白露萎百艸松柏不彫悴貞脰本性成不由時與地寒  
蟬聲已寂秋蟲鳴自恣語默有不同適時固無異我興  
觀物懷慨然知我貴  
秋氣何蕭蕭野情空曼曼織絺常不完三旬九遇飯飢  
寒非可樂溫飽詎足願孤燈湛空尊對影還自勸左右  
陳良書曠如閱吹萬誰當餐此味芹美不可獻昂哉東  
隅光桑榆乃多怨

蓐收清西陸雲氣高淩淩悲哉秋蟬號癡甚窗前蠅時

陶菴集

卷末

谷籛學吟

四

去心尙爾徒爲俗所憎不見摩空鵬眾鳥欽風棱飛飛  
遍六合橫絕不可醫崩騰各有時寒退甘無能

白日

仰視白日光皎皎高且懸踊躍陽谷中照耀無頗偏忽  
遇驚風飄白雲閉其前天地黯以晦當干入虞泉魯戈  
不及揮羲和失其鞭陽德豈虧哉明晦亦偶然微風吹  
無力浮雲迷有權天道固如此而我何悲焉

飲酒

當空皎皎出素月清輝乍圓還復缺我生決無彭祖年



豈能鬱鬱空憂天  
眾人皆醉我亦醉  
則予胸中浩浩焉  
三閭大夫何爲者  
醒然獨臥滄江下  
我來汨羅喚不起  
仰天長歎淚盈把  
劉伶盡日眠酒中  
醒時雙眼常朦朧  
陶潛攢眉不入白  
蓮社奉杯采菊坐  
籬東古來達士唯  
有醉求田問舍良  
可愧丈夫負此七  
尺軀豈能擾擾攫  
俗累春日村遊發  
杏花冬風萬里飛  
寒沙此時顏色不  
飲酒坐看兩鬢堆  
霜華開我懷揚君  
眉夷齊當年空餓  
死陶猗亦皆齷齪  
兒請君置此名利  
於身外頽然終歲  
無醒時

陶菴集

卷末

谷簾學吟

五

春閨

春炙繡簾花氣滿  
暗風梳艸綠短  
曉鶯破曉驚妾心  
金鴨香沈畫衣暖  
侍妾勻脂催曉妝  
鏡中煙柳彈眉黃  
描罷雙蛾爲誰好  
碎破銅片打鴛鴦

春日山行

陰巖怒石如噴雪  
處處山家覆松葉  
古藤三月齊作花  
瘦樹短垣村幾折  
山僧采茶亦種松  
松籟茶香一室中  
坐來日淡風亦淡  
颯然萬壑攢犂龍  
渡溪越嶺殊袞袞  
山頭猿鶴時相引  
潭雲空碧人影稀  
勝賞未窮行遂歸

秋齋坐雨

秋雲突兀起天際，疏雨磊落懸高空。寒潭仿佛細流碧，殘花零落堆薛紅。雨腳濛濛向西去，孤鶴散步來長松。坐看斜景照羅綺，須臾萬片金芙蓉。

喜崑山柴集勳至

窗下尋書細門前，駐馬輕相看無一語說。夢悟三生薄酒，還醒殘鐙暗復明。同心相會處久，與白鷗盟。

懷婁東陳靜孚

世已無如假誰能，識道眞素心聊望。古白眼看時人我。

陶菴集

卷末

谷簾學吟

六

道猶灰冷君情較酒醇，沈沈懷抱積何日。得前陳。

秋夜

疏影入空牀，此時秋氣涼。白雲松際雪，明月石邊霜。蘆荻暗潮滿，梧桐晚色黃。遠聲聽欲近，柔櫓過寒塘。高煙空際平，落葉逐時行。月滿星河失，秋深天地清。颯然萬籟集，默以會微情。坐久露華溼，猶聞鐘磬聲。

舟行

新水正盈盈，臨風一棹輕。野煙林莽白，壤道石梁傾。往吟蟬過時，時落照明人家。修竹裏散髮有餘清。



失題

東道煙霜信使稀  
步看流水念荆扉  
殊方蹈事多疑畏  
衰世爲人有是非  
同病尙聞河上曲  
違時終棄漢陰機  
吾生志業存風雅  
勉事刪修力自微

高衢月落曉寒新  
榆柳蕭疏望去津  
圖史同舟聊養疾  
風煙何地敢呈身  
到家松桂寒幽幌  
倚棹雲山愧濫巾  
謔浪自矜牙舌在  
未隨妻子共憂貧

伯氏招燕京王敬哉飲

避地來尋五柳居  
閒談北事重欷歔  
天荒地老嗟身歷

陶菴集

卷末

谷簾學吟

七

國破家亾我夢餘  
世路渾如村酒濁  
道心還與泛舟虛  
憑君莫話金門好  
事到漁樵百不如

東龔得初

久閉重門細艸茸  
停雲靄靄思溶溶  
蹉跎共被時人笑  
懶慢還推我病同  
有酒賒來千日醉  
無錢買得一生慵  
從君自占消愁法  
已植陶公三徑松

甲申除夕次侯廣成先生韵

卽看曉日又明年  
愁裏流光去若泉  
冀北天遙成絕塞  
江南日近賴時賢  
聞雞舞罷悲今蜀  
聽雁飛過憶舊燕

長夜悠悠眠未穩解將淑酒送寒天  
今宵愁起亦無端坐到更殘思亦殘世貴虎皮迷物色  
余慙鴻羽斂飛翰曉天侵迫冬行促朔氣句留臘尚寬  
會有東風連夜至茅堂雨積不成寒

寓卓錫菴和伯兄韵

避世來尋水竹居相將無事可蠲除空階有月閒能看  
邛酒非泥醉亦如與世推排空老世將書滌蕩可焚書  
陶公豈厭廬山社一笑溪橋意有餘

再過陳園卽事

陶菴集

卷末

谷簾學吟

八

臨風獨往路晴雨淡相因遠樹紅初見荒畦綠尙勻籬  
中過流水竹裏出幽人鑒遠寒暄略思深起坐頻廚煙  
炊帶葉鱸美味專尊碗晚良時促吁嗟人事新獨逢俱  
意外瑣語情情親酒罷開扉出空霜月色真

卽事

琴終夜遂深客散主獨酌空香疑有無坐對鐙花落

怨情

卽身雖自親卽意不可係素手理瑤琴卽聽不言好

憶遠曲



寒上知無暖寒衣六月裁寄書重拆看莫使遠人猜  
遣興

晨鐘殷曉窗明月窺獨坐幽階風自來夫容淡如我  
夜坐

涼風落柳梢微雲淡河而懷中明月光多賒不爲賤  
秋夜漫興

倚竹候秋聲閒苔此明月時聞宿鳥驚微風動林樾  
憶遠曲

朔方箇遠近夜夜在君旁鐵馬驚歸處人孤月滿牀  
陶菴集

卷末

谷簾學吟

九

欲倩秋來雁傳書塞上飛邊庭春不暖切莫解寒衣  
秋日閒居

閒坐清松陰遙看白雲起白雲如孤峰半落青松裏  
泊舟虎山橋

春寒風壓酒水滿月平橋何處漁樵客歌聲到莫潮  
題玫瑰

新葉煙中冉冉輕香風外離離朱萼半染蝶翅綠刺故  
牽人衣

花共明妝艸帶茵枝頭百舌弄芳春莫嫌此鳥多閒話  
不是人閒掉舌人

詠松

矯矯亭亭骨幹孤風吹霜壓不須扶懸知素有凌雲節  
百受秦朝五大夫

詠梅

主人爲愛梅花好時向鄰家買地栽月影破窗三五點  
冷香時遞暗風來

冷淡清幽迴不羣春風開落任紛紛格高不入時人眼

陶菴集

卷末

谷簾學吟

十

雪裏聞香始識君

夏日閒居

竹裏還兼臥竹樓習書芭葉淨堪收雲來窗薄渾疑雪  
雨散幽林忽似秋

約時去華諸同人泛舟

莫羨槎頭縮項鱖黃魚味美較芳鮮野夫得醉且須醉  
一日清狂當一年

谷簾學吟畢

後學童 峩校字



偉恭先生谷簾學吟係先生季弟殿雯文學所手授乃  
合虞山毛氏隱秀集詳加參訂錄爲一卷藏弄有年始  
屬陸子扶照登諸棗梨附貞文公陶菴集後蓋先生爲  
貞文嫡弟自幼補諸生天資英敏與直言諸君子講道  
論德同志者咸目爲畏友及從兄正命也年僅弱冠以  
激烈佐其從容以理學成其忠節事載國史家乘傳諸  
四方士大夫之口位置在二程兩顏之間詩歌固其餘  
事然誦其辭揆藻咀華金舂玉應烏可使之泯沒無傳  
也乎慨自吾膠文獻日就零落據邑志書目及翟氏練

陶菴集

卷末

跋

一

音所載自宋訖明以詩古文名家者不下數十人今大  
半不可得見而王徵士集刻於國治時唐婁李程四先  
生集刻於崇禎時者亦多缺燬至若子家五世文集百  
餘卷陸師菊隱著書數種簡牘浩繁尙無力付剞劂氏  
僅僅錄副以藏每一念及深恫於懷而扶照至性季友  
汲古媯修爲中槎之翹楚初因子言補刻王婁李三集  
并購唐程以及貞文集版整齊印行公諸同好復因子  
言繼刻先生詩以並傳於時其表章先賢發潛闡幽之  
盛心迥非時流所可幾及行將遍訪名家遺帙次第壽

梓以備一邑之文獻予雖窮老猶將邪許以贊其成也  
康熙癸未夏五朔旦同邑後學侯開國謹跋

陶菴集

卷末

跋

二



